



Kereyti ya  
2

# Buka e kgolo ya dipalenyana



**basic education**

Department:  
Basic Education  
REPUBLIC OF SOUTH AFRICA

SESOTHO

6

Buka

# Tsela ya ho sebedisa Buka e Kgolo ena:



## Dipale tse bukeng ena:



## 1 Duma le metswalle ya hae ba a lahleha



## 2 Jabu o kopanya mahe

13

### Ho itokisetsa nako ya palo e kopanetsweng

- Netefatsa hore bana bohole ba bona buka. Ha sehlopha sa hao se le seholo, sebetsa le seholotshwana se senyenane.
- Ho tla thusa ho emisa buka hore o se e tshware ha o ntse o bala. (Bona ditaelo tsa ho emisa buka khabareng e kamorao.)
- Sebedisa rula kapa thupa ho latella mantswe ha o ntse o bala.
- Ha o batla ho bonahatsa mantswe a kgethehileng, o ka sebedisa disitiki nota pela lentswe ho le bonahatsa, kapa wa iketsetsa fensetere ya mejiki'. Sebedisa pampiri e kgutlonne mme e nyenyanne e kgutlonne e sehwemahareng a e kgolo. Nka e kgolo mme o e behe sengolweng hore ho bonahale lentswe le le leng feela.

### Mokgahlelo wa pele wa palo e kopanetsweng

Mokgahlelo wa pele o tadihana le ho natefelwa le 'tadimo' ya pele ya sengolwa, mme bana ba fana ka maikutlo a bona ka sengolwa.

- Phetla pale eo ba tlang ho e bala. Bua ka ditshwantsho.
- Kopa bana ba nohe pale ka seholo le ditshwantsho.
- Pele ho balwa ba tsebise mantswe a thata paleng.
- Etsa dikarete tsa mantswe ho tsebisa tlotlontswe e ntjha.
- Bala pale, o sebedisa sefahleho le ho phahama ho fapaneng ha lentswe. Sebedisa matsoho le sefahleho.
- Latela mongolo ha o ntse o bala ka ho supa ka rula kapa thupa mantswe hore bana ba bone seo o se balang le ho se amanya le medumo leqepheng. Sena se tla ba thusa le ho bona tsamaiso ya ho bala ho tloha ho le letshehadi ho isa ho le letona le ho tloha hodimo ho leba fatshe.
- Sebedisa sena e le monyetla wa ho ba tsebisa 'puo ya buka' jwaloka: mantswe, polelo, leqepheng, mongodi, seholo jl.
- Ha bana ba be le seabo paleng ka ho pheta dipolelo tse iphetang(mohlala: "Matha, matha, matha ka lebelo, o ke ke wa ntshwara- ke monna wa borotho ba kgemere!")
- Pale e le nngwe e balwe makgetlo a mabedi ho isa ho a mararo ho neha bana monyetla wa ho bina mantswe, ho tshwantshisa, le ho bolela pale ka mantswe a bona.

### Mokgahlelo wa bobedi wa palo e kopanetsweng

- Mokgahlelong wa bobedi ho sebediswa sengolwa sona se sebedisitsweng pele feela kgatello e le ho baleng mme titjhere e sebedisa dipuisano tse teng ho hodisa tlotlontswe ya kutlwisiso, bokgoni ba ho rarolla le seboleho sa sengolwa (thuto-puo, matshwao a puo jl)
- Ho ho wena , titjhere ho tlisa bana ho tadimo e shebaneng le tse latelang: kgopolo ya ho ngola, seboleho sa sengolwa, medumo ya puo, seboleho sa puo, ditsela tsa ho kgetholla mantswe le kutlwisiso maemong a fapaneng (dipotso tsa puo- phara, ho hlopholla, ho akanya, ho sekaseka le kananelo)

### Mokgahlelo wa boraro wa palo e kopanetsweng

- Mokgahlelong wa boraro wa palo e kopanetsweng, bana ba ipalle sengolwa ka bo bona mme ba etse mosebetsi wa molomo, ho etsa le ho ngola ho itshetlehileng sengolweng.
- Moo ho kgonehang, sengolwa sa Palo e Kopanetsweng se lebise ho Ho Ngola ho Kopanetsweng moo titjhere e bontshang ho ngola sengolwa mme bana ba qapa bongodi ba sengolwa ha titjhere e ba tataisa ebile e ngola seo ba se tjhong. Sena se thusa ho lokisetra bana mosebetsi wa ho ingolla mesebetsi ya bona.

Jwaloka titjhere o tla hloka ho rala le ho etsa tokiso ya mosebetsi wa palo e kopanetsweng le sehlopha sa hao. Ka tlwaelo ha titjhere e etsa palo e kopanetsweng, titjhere e sebetsa le bana bohole, empa ha sehlopha se le seholo haholo , ho molemo ho sebetsa le seholotshwana kapa karolo ya sehlopha. Ho hlokomele ho tiisa ho netefatsa hore bana ba dula mmoho mme ba bona Buka e Kgolo hore ba kgone ho bona se ngotsweng.

Nakong ya palo e kopanetsweng ya Buka e Kgolo bana ba ithuta ho tshwara buka, ho e tshwara ka mokgwa o nepahetseng,, ho phetla maqephe ka mokgwa o nepahetseng. E hodisa tsebo ya sethato ya tsebo ya buka- khabara, bokapele, bokamorao le seholo. E tataisa le kamoo tsela ya palo e etsahalang ka teng mme e bohlokwa bakeng sa tswelliso pele ya bana ya ho mamela, ho bua, ho bala, ho nahana, le ho rarolla mmoho le bokgoni ba ho ngola bo batlahalang ho CAPS:

- Ho hodisa bokgoni ba ho mamela le ho bua.
- Ho hodisa bokgoni bo hlalhellang ba ho bala.
- Ho araba dipotso paleng.
- Ho taka kapa ho tshwantshisa pale.
- Ho sebedisa ditshwantsho ho noha hore pale e bua ka eng.
- Ho sebedisa palo e kopanetsweng e le motheo wa ho ngola ho arolelanwang.

1

# Duma le metswalle ya hae ba a lahleha




Mme wa Duma a mo kopa ho isa  
phasele polasing ho malome Harry ka  
nqane ho noka.

"Tsamaya hona jwale, a realo,  
"O tlameha ho tsamaya  
kaapele hore o kgutle  
hae letsatsi le sa  
tjhabile."


Empa Duma  
le metswalle  
ya hae, Gugu  
le Themba,  
ba ne ba  
bapala bolo  
mme ba tsamaya  
ka morao ho nako.





Bana ba bararo ba feta hodima  
borokgo ho ya ntlong ya  
Malome Harry.

E bile tsela e telele ho tloha  
hae.



Tseleng e kgutlelang hae, bana ba  
utlwa diaduma, e ne e tlo ba sefefo.

“Ha re nkeng tsela e  
kgutshwanyane e fetang hara  
moru” ho realo Duma.



Ha eba lefifi mme bana ba lahleha.

"Ke batla ho ya hae, ho realo Gugu.


"Re tshwanelo ho ema ho fihlela  
letsatsi le tjhaba," Themba o bolella  
kgaitse di ya hae.




Hanghang ha letsati le tjhaba,  
bana ba ya hae.

Ba ne ba hatsetse ebile ba lapile.

“Re tlameha ho tsamaya ho  
latela letsatsi,” ho realo Duma.





Qetellong ba fihla hae. Motse  
ohle o ne o ba batla.





**"Tshwarelo Mme!" ho realo Duma,  
"Re tlohile ka morao ho nako ra ba  
ra lahleha lefifing.**



2

## Jabu o kopanya mahe



“Jabu na o ka se tle le tosene ya  
mahe lebenkeleng mmoho le botlolo  
ya lebese,” ho bua mme wa hae  
atshwere lenane la ho reka.

“Hao mme, ke batla ho bapala bolo le  
Sam le Joe,” ho araba Jabu.


“Ke batla ho baka kuku mme ke  
hloka mahe. O ka ya bapala kamorao.  
Hlokomela mahe a se thubehe,” ho  
bua mme wa hae.”



“Na nka fumana tosene ya mahe  
le dilitara tse pedi tsa lebese?”  
ho botsa Jabu.

“Ho molemo o di tshware ka hloko o  
se thube mahe,” ho bua ralebenkele.

“O se tshwenyehe Monghadi Gaga,  
Mokgwa wa ka ke ela hloko,” ho araba  
Jabu a fetisa tjhelete.



Jabu a lets a molodi ha a leba hae.  
"Hang ha ke fihla le mahe le lebese,  
ke tlo mathela ho bapala bolo le Sam  
le Joe," ho bua Jabu.

O tsamaile kahloko ho leba hae, a  
hlokometse ho se thube mahe.




Empa Jabu a lebala.

A bona metswalle ya hae.....



“Hela Sam le Joe, ke tla tla bapala  
ha ke qete ho neha mme mahe,” ho  
bolela Jabu.

Jabu wa batho a lebala hore o  
tshwere mahe mme a mathela ho  
metswalle ya hae.



**“Joo!” Jwale Jabu o a hoeletsa.**

**“Ke kopantse mahe!”**



# "Ke tla bolella mme eng?"

---





O amohelwa letotong le bitswang Buka e Kgolo. Buka e Kgolo ena ke karolo ya tse ding tsa Rainbow Series, tse kenyelletsang dibuka-tshebetso, pokello, dibuka tsa dihlopha le diphousetara. Re tshepa hore o tla fumana dipale tsa mafuta tse kenyelletseng dipaleng tse robedi tsa Buka e Kgolo kereiting ena, di le bohlokwa ho ruteng ha hao mme le hore bana ba tla nafelwa ke kamano ya bona le palo e kopanetsweng.

CAPS bakeng sa boemo bo qalang e hlakisa Palo e Kopanetsweng e le e nngwe ya dikarolo tsa bohlokwa tsa tsela ya ho bala. Palo e Kopanetsweng hangata e nka nako ya pakeng tsa matsatsi a mabedi le a mane bekeng mme ngwana e mong le e mong a bala sengolwa se le seng. Dibuka-tshebetso le dibuka tsa dihlopha di loketse sepho sena.

Le ha ho le jwalo, palo e kopanetsweng ho sebediswa Buka e Kgolo e ngotseng ka ditlhaku tse kgolo ke tsela e ntla ya palo e kopanetsweng hobane bana ba kgona ho bona mantswe le ditshwantsho, mme ba kgona ho latela ha ho ntse ho balwa jwaloka tsela e tlwaelehileng ya ho pheta dipale malapeng. Ho bohlokwa hore bana ba dule pela Buka e Kgolo hore ba bone le ho bala sengolwa. Ditlhaku tse kgolo tsa dibuka tse kgolo di nehelana ka bokgoni ba ho balla bana ba bang ka lentswe le hodimo ka nako e le nngwe ka boiketlo maemong a phutholohileng.


Dibuka tse kgolo letotong lena di tla hlahisa bana tsebong ya dipale tse fapaneng, dithothokiso, diraeme le dipapadi hammoho le tlhahiso le dingolwa tsa ditshwantsho.

Ke boikarabelo ba hao, o le titjhere, ho neha dipale bophelo baneng hore maemo a ho nafelwa le ho thaba a be teng. Tshebediso ya Buka e Kgolo e o neha bokgoni ba ho bopa kamano ya ketso ya ho bala ka tsela e nafelang wena mmoho le bana. Re tshepa hore buka ena e tla o thusa ho etsa sena.

## Dikgopololo tse ding tsa ho sebedisa Buka e Kgolo

- Sebedisa polasetiki e hlakileng e le moalo hodima Buka e Kgolo. Ho tla thusa hore bana le titjhere ba ngole hodima polasetiki.
- Ngola hodima moaloo hlakileng ka pene e phumolehang.
- Sebedisa tlelipi e kgolo ho tshwarahanya moalo o hlakileng le buka e kgolo.

ISBN 978-1-4315-3050-2



ISBN 978-1-4315-3050-2

**THIS BOOK MAY NOT BE SOLD.**



**basic education**

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



## Ikisetse seemisa sa Buka e Kgolo

O tla hloka:

- Khateboroto e nang le bophara bo lekanang le Buka e Kgolo e butsweng (594 mm) mme bolelel bo be makgetlo a 3 (1360 mm).
- Masking theipi.
- Ditlilipi kapa diphekese ho tshwara khateboroto mmoho.

Sebedisa masking theipi ho kopanya dikarolo tsa khateboroto.

Mena khateboroto ho etsa foreimi ya A mme o tsipelle bofatshe le sefahleho mmoho jwaloka ha ho bontshitswe setshwantshong se ka tlaase.

